

ԳՈՐԾԱԴԻՐ

1000-Ի ՓՈԽԱՐԵՆ, 2000 ԼԱՐԻ՝ ԱՇԽԱՏՈՂ ԿԱՆԱՆՅ ՀՂԻՈՒԹՅԱՆ ԵՎ ՏՆՆՊԲԵՐՈՒԹՅԱՆ ԱՐՁԱԿՈՒՐԻ ՀԱՄԱՐ

ԻՐԱԿԱՆԱՑՎԵՑԻՆ ՓՈՓՈԽՈՒԹՅՈՒՆՆԵՐ «ՎՐԱՍՏԱՆԻ ԱՇԽԱՏԱՆՔԻ ՕՐԵՆՍԳՐՔՈՒՄ»

Հունվարի 23-ին, Վրաստանի վարչապետ Իրակլի Դարիբաշվիլու գլխավորությամբ, անցկացվեց կառավարության նիստ:

Օրակարգի 11 հարցերի թվում, նախարարները քննարկեցին Վրաստանի կառավարության որոշման նախագիծը՝ «Հղիության եւ ծննդաբերության վճարովի արձակուրդի ընթացքում եւ վճարովի դրամական օգնության չափը որոշելու մասին» երեխայի խնամքի, ինչպես նաեւ նորածնի որդեգրման վճարովի արձակուրդ եւ ծնունդից հետո որոշ միջոցառումներ:

(Շարունակությունը՝ 2-րդ էջում)



ՀԱՆԴԻՊՈՒՄ

ԻՐԱԿԱՆԱՑՎԵԼԻՔ ԵՆԹԱԿԱՌՈՒՅՈՒՆԻ ՏՐԱԳՐԵՐԸ՝ ՎԱՐՉԱՊԵՏԻ ԵՎ ՆԱՀԱՆԳԱՊԵՏԵՐԻ ՔՆՆԱՐԿՄԱՆ ՕՐԱԿԱՐԳՈՒՄ

Հունվարի 24-ին Վրաստանի վարչապետ Իրակլի Դարիբաշվիլին հանդիպում ունեցավ երկրի տարածաշրջաններում պետական լիազոր-նահանգապետների հետ: Հանդիպմանը քննարկվել են ընթացիկ տարում իրականացվելիք ծրագրերը:

Հանդիպմանը պետական լիազոր-նահանգապետները վարչապետին են ներկայացրել իրենց նախաձեռնությունները, ստացել կոնկրետ առաջադրանքներ:

Հանդիպմանը վարչապետն անդրադաձել է տարերային աղետի հետեւանքների վերացման հարցին, նշելով, որ վարչապետի որոշմամբ, քաղաքապետարաններում տարերային աղետների հետեւանքների վերացման միջոցառումների իրականացման համար, հատկացվել է



19 695 000 լարի: Բացի այդ, կառավարության պահուստային ֆոնդից 1 մլն 470 հազար լարի է հատկացվել աղետից տուժած բնակչությանը փոխհատուցելու համար:

(Շարունակությունը՝ 3-րդ էջում)

ՎԵՋԱԺՈՂՈՎ

ՎՐԱՍՏԱՆԸ ՉՊԱՇՏՊԱՆԵՑ ՌԻԿՐԱԻՆԱՅԻ ՆԵՐԿԱՅԱՑՈՒՑՉԻ ԹԵԿՆԱԾՈՒԹՅՈՒՆԸ

ՎՐԱՍՏԱՆԻ ԽՈՐՀՐԱՐԱՆԱԿԱՆ ՊԱՏԿԻՐԱԿՈՒԹՅՈՒՆԸ ԵՎՈՂՈՒՄԻ ԽՈՐՀՐԱՐԱՆԱԿԱՆ ՎԵՋԱԺՈՂՈՒՄ



Ստրասբուրգում, Եվրոպայի խորհրդարանական վեհաժողովին (PACE) մասնակից Վրաստանի խորհրդարանական պատվիրակությունը, վեհաժողովի նախագահի ընտրության ժամանակ չպաշտպանեց այդ պաշտոնում Ուկրաինայի ներկայացուցիչ, «Ժողովրդի ծառա» կուսակցության անդամ Ալեքսանդր Մերեժկոյի թեկնածությունը՝ նախապատվությունը տալով PACE-ի գործող նախագահ Թիմի Քոքսին:

Քվեարկությունից առաջ «Վրացական երազանքի» նախագահ Իրակլի Կոբախիձեն պարզաբանեց, որ իրենք չեն ընտրել Մե-

րեժկոյին, քանի որ նա ներգրավված է եղել PACE-ի կողմից այն բանաձեւի ընդունման մեջ, որում ասվում է, թե Միխեիլ Սաակաշ-

վիլին համարվում է քաղբանտարկյալ:

- Ուկրաինայի թեկնածու Մե-

(Շարունակությունը՝ 2-րդ էջում)

ՀԱՄԱԳՈՐԾԱԿՑՈՒԹՅՈՒՆ

ԱՆՅՈՒՆՆԵՐ ՎՐԱՅԻՆՆԵՐ ԱՆՕՐԱՊՈՒ ԹՈՂՈՂ ՍԱՐՔԵՐԻ ՓՈՐՁԱԿԱՆ ՅՈՒՅՆԱՐՈՒԹՅՈՒՆԸ

Հունվարի 27-ին անցկացվեց վրաց-լեհական ձեռնարկության կողմից իրականացվող անօդաչու թռչող սարքերի փորձնական ցուցադրությունը: Մարտական եւ հետախուզական անօդաչու թռչող սարքերը հաջողությամբ փորձնական թռիչք կատարեցին:

Վրաց-լեհական «Դելտա» ձեռնարկության «WARMATE» (կամիկաձե) եւ «FLYEYE» անօ-

դաչու թռչող սարքերի փորձնական թռիչքի ցուցադրմանը ներկա էին Վրաստանի վարչապետ


Իրակլի Դարիբաշվիլին, պաշտպանության նախարար Ջուլանշեր Բուրժուլաձեն, ներքին գոր-

ծերի նախարար Վախտանգ Գոմելաուրին եւ պաշտպանության ուժերի ներկայացուցիչներ:

ԴԻՎԱՆԱԳԻՏԱԿԱՆ

ԳԻՈՐԳԻ ՇԱՐՎԱՇԻԶԵՆ՝ ՀԱՅԱՍՏԱՆՈՒՄ ՎՐԱՍՏԱՆԻ ԱՐՏԱԿԱՐԳ ԵՎ ԼԻԱԶՈՐ ԴԵՍՊԱՆ

Թբիլիսիի պետական համալսարանի նախկին ռեկտոր Գիորգի Շարվաշիձեն մշակվել է Հայաստանում Վրաստանի արտակարգ եւ լիազոր դեսպան:



Հունվարի 25-ին Վրաստանի վարչապետ Իրակլի Դարիբաշվիլին հանդիպեց Հայաստանում Վրաստանի նորանշանակ արտակարգ եւ լիազոր դեսպանին:

Հանդիպմանը Վրաստանի կառավարության ղեկավարը շնորհավորեց դիվանագետին նոր պաշտոնի առիթով եւ նշեց, որ Վրաստանը եւ Հայաստանը կապված են սերտ բարեկամական եւ բարիդրացիական հարաբերություններով, եւ հույս հայտնեց, որ ապագայում տարբեր ոլորտներում ակտիվ համագործակցու-

թյուն կհաստատվի:

Նշենք, որ 60-ամյա Գիորգի Շարվաշիձեն երկար տարիներ կրթության եւ գիտության նախարարությունում զբաղեցրել է տարբեր պաշտոններ, այդ թվում եղել է առաջին փոխնախարար: 2016-2022 թվականներին նա եղել է Թբիլիսիի պետական համալսարանի ռեկտորը:

Գիորգի Շարվաշիձեն մանկավարժական գիտությունների թեկնածու է, Եվրոպական ակադեմիայի իսկական անդամ: Հեղինակ է մեծագույնությունների եւ գիտական հոդվածների:

ԴԻՎԱՆԱԳԻՏԱԿԱՆ

ԿԱՅԱՑԱՎ ԿԱԽԱ ԿԱԼԱԶԵԻ ԵՎ ԱՇՈՏ ՍՄԲԱՏՅԱՆԻ ՀԱՆԴԻՊՈՒՄԸ

Հունվարի 23-ին Թբիլիսիի քաղաքապետ Կախա Կալաձեն հանդիպում ունեցավ Վրաստանում Հայաստանի արտակարգ եւ լիազոր դեսպան Աշոտ Սմբատյանի հետ:



Հանդիպմանն անդրադարձ կատարվեց քույր քաղաքներ Թբիլիսիի եւ Երեւանի միջեւ համագործակցությանը, կարելիությունները մայրաքաղաքներում մշակութային տարբեր համատեղ միջոցառումների անցկացումը:

ԵԿԵՂԵՑԱԿԱՆ

ՎԻՐԱՆԱՅՈՅ ԹԵՄԻ ԱՌԱՋՆՈՐԴԸ ՄԱՍՆԱԿՅԵՅ՝ ՎՐԱՍՏԱՆՈՒՄ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՅՈՒ ԵՊԻՍԿՈՊՈՍԻ ՊԱՇՏՈՆԱԿԱԼՈՒԹՅԱՆԸ

Հունվարի 22-ին, Վրաստանում Ավետարանական-Լութերական եկեղեցու Թբիլիսիի Հաշտության տաճարում կայացավ Ռուֆ Բարախիսի պաշտոնակալության արարողությունը, որին մասնակցեցին եկեղեցու հոգեւոր այրեր եւ հավատացյալներ:



Հանդիսավոր արարողությանը իրենց օրհնաբեր ներկայությունն էին բերել Վիրահայոց թեմի առաջնորդ Տեր Կիրակոս վարդապետ Դավթյանը եւ Քվեմո Քարթլիի տարածաշրջանի հայկական գյուղերի հոգեւոր հովիվ Տեր Զավեն վարդապետ Յազիչյանը:

ՎՅՈՒՐ

ՍԱՄՎԵԼ ՄԱՆՈՒԿՅԱՆ. «ՇՆՈՐՀԱԿԱՆՈՒԹՅՈՒՆ, ԶԵՐՍ ՈՒՇԱԴՐՈՒԹՅԱՆ ԵՎ ԱՊԱՔԻՆՄԱՆ ԲԱՐԵՄԱՂԹԱՆՔՆԵՐԻ ՀԱՄԱՐ»

Հունվարի 21-ի վաղ առավոտյան, Նի-նոծմինդա-Ծալկա ավտոճանապարհին, Թբիլիսիից 105 կմ հեռավորությամբ, Տբեթի գյուղի տարածքում (Ծալկայից 2 կի-լոմետր հեռավորությամբ) Վրաստանի խորհրդարանի Ախալքալաքիից եւ Նի-նոծմինդայից մեծամասնական պատգա-մավոր Սամվել Մանուկյանը, մերկասա-ռույցով ծածկված շրջադարձին կորցրել է մեքենայի կառավարումը: Մեքենան դուրս է սահել ճանապարհից եւ բախվել

քարե պատին: Պատգամավորին շտապ օգնության մեքենայով ընդամենը երկու ժամում տեղափոխել են Թբիլիսիի Ամե-րիկյան հիվանդանոց, որտեղ անցկաց-վել է վիրահատություն: Սամվել Մանուկ-յանը կողոսկրների կոտրվածք է ստացել, վիրահատությունը բարեհաջող է անցել: Ըստ բժիշկների՝ նրա կյանքին վտանգ չի սպառնում, եւ մոտ օրերս բուժառում դուրս է գրվելու հիվանդանոցից: «Վրաստանը» կապվեց Սամվել Մա-

նուկյանի հետ, մաղթելով նրան առողջություն եւ արագ ապաքի-նում: Իր հերթին պատգամավո-րը շնորհակա-լություն հայտ-նեց բոլոր նրանց, ովքեր այս ընթացքում ջերմ ուշադրության են արժանացրել եւ ապաքինման բարենաղթանքներ իղել:



ԳՈՐԾԱԴԻՐ

1000-Ի ՓՈԽԱՐԵՆ, 2000 ԼԱՐԻ` ԱՇԽԱՏՈՂ ԿԱՆԱՆՅ ՀՆԻՈՒԹՅԱՆ ԵՎ ԾՆԴԱՔԵՐՈՒԹՅԱՆ ԱՐՁԱԿՈՒՐԴԻ ՀԱՄԱՐ

(Սկիզբը` 1-ին էջում)

Ըստ նախագծի` նշված դրա-մական օգնության չափը բարձրացվել է մինչեւ 2000 լա-րի: Ընդ որում, վերոնշյալ փո-փոխությունը տարածվում է նաեւ հանրային դպրոցներում աշխատող ուսուցիչների վրա: Ավելացվում է ծննդաբերությու-

նից հետո մայրության խնամ-քի արձակուրդ գնացող (ղեկ-րետ) ուսուցիչների արձակուր-դի վճարը՝ այդ ընթացքում նրանք կստանան ամբողջա-կան աշխատավարձ, իսկ մաս-նավոր դպրոցների աշխատող-ները` միանվագ 2000 լարի: «Որոշման գործողությու-նը կտարածվի այն աշխա-

տողների վրա, ովքեր Վրաս-տանի օրենսդրության համա-ձայն, 2023 թվականի հուն-վարի 1-ից արձակուրդ կվերց-նեն հղիության եւ ծննդաբե-րության արդյունքում երեխա-յին խնամելու, ինչպես նաեւ որդեգրած նորածին երեխային խնամելու համար: Նախքան Վրաստանի օր-

գանական օրենքում` «Վրաս-տանի աշխատանքային օրենս-գիրք» վերոնշյալ փոփոխու-թյան կիրարկումը, 2014 թվա-կանից ծննդաբերության ար-ձակուրդի փոխհատուցման չափը կազմում էր 1000 լա-րի»,- նշված է Վրաստանի կա-ռավարության տեղեկատվու-թյան մեջ:

ՎԵՐԱԺՈՂՈՎ

ՎՐԱՍՏԱՆԸ ԶՊԱՇՏՊԱՆԵՑ ՈՒԿՐԱԻՆԱՅԻ ՆԵՐԿԱՅԱՑՈՒՑԶԻ ԹԵԿՆԱԾՈՒԹՅՈՒՆԸ

ՎՐԱՍՏԱՆԻ ԽՈՐՀՐԱՐԱՆԱԿԱՆ ՊԱՏՎԻՐԱԿՈՒԹՅՈՒՆ ԵՎՈՐՊԱՅԻ ԽՈՐՀՐԱՐԱՆԱԿԱՆ ՎԵՀԱԺՈՂՈՎՈՒՄ

(Սկիզբը` 1-ին էջում)

րեժկոն աջակցել է մեզ համար անընդու-նելի որոշմանը: Նրա օգտին չքվարկելու պատճառներից մեկը հենց դա է,- հայ-տարարեց Իրակլի Կոբախիձեն:

Եվրոպայի խորհրդի խորհրդարանա-կան վեհաժողովը ընդունեց բանաձեւ, ըստ որի Վեհաժողովը ողջունում է իր պարտավորությունների կատարման առու-մով Վրաստանի ձեռք բերած առաջընթա-ցը եւ կոչ է անում բոլոր քաղաքական ու-ժերին կատարել մնացած հանձնարարա-կանները եւ արձագանքել այս բանաձեւ-ում արտահայտված մտահոգություննե-րին: Բանաձեւում խոսվում է նաեւ Եվրա-հանձնաժողովի 12 հանձնարարականնե-րի մասին` ԵՄ անդամակցության համար անհրաժեշտ կարգավիճակ ստանալու համար, ինչին հավակնում է Վրաստանը: Ստրասբուրգում, Եվրոպայի խորհր-

դարանական վեհաժողովի աշխատան-քին մասնակից Վրաստանի խորհրդա-րանական պատվիրակության անդամ, «Վրացական երազանք» կուսակցության նախագահ Իրակլի Կոբախիձեն անցկաց-րեց մի շարք հանդիպումներ: Մասնավո-րապես, հանդիպում ունեցավ Եվրոպա-յի խորհրդի գլխավոր քարտուղար Մա-րիա Բուրիշի, Եվրոպայի խորհրդի խորհր-դարանական վեհաժողովի նախագահ Թիմոթի Զոքսի հետ:

Հանդիպումներում կողմերն անդրա-դարձան Եվրամիության անդամակցու-թյան 12 հանձնարարականների կատար-ման ընթացքին, ընդգծվեց Վրաստանի զգալի առաջընթացը բարեփոխումների ուղղությամբ եւ նշվեց, որ Եվրոպայի խոր-հուրդը լիովին աջակցում է Վրաստանին 12 կետից բաղկացած ծրագրի իրակա-նացման գործընթացում:

Հանդիպումներում քննարկվեցին նաեւ



տարածաշրջանում ընթացող քաղաքա-կան գործընթացները:

Հանդիպումներին մասնակցել են Վրաս-տանի խորհրդարանական պատվիրա-կության ղեկավար Իրակլի Չիքովանիձե եւ ԵԽ-ում Վրաստանի ղեկավար Թամար Տալիաշվիլին:



ԹՈՒՐՔԻԱ
ԶԵՂԱՐԿՎԵԼ Է ՇՎԵԴԻԱՅԻ ԵՎ ՖԻՆԼԱՆԴԻԱՅԻ ՀԵՏ ՆԱԽԱՏԵՍՎԱԾ ԵՌԱԿՈՂԱՄ ՀԱՆՐԻՊՈՒՄԸ

Թուրքիան չեղարկել է Շվեդիայի եւ Ֆին-լանդիայի հետ նախատեսված եռակողմ հանդիպումը: Երեք երկրների ներկայացու-ցիչների բանակցությունները, պետք է անց-կացվեին փետրվարին Բոյուսելում: Հանդիպումը հետաձգվեց անորոշ ժամանակով:

Ավելի վաղ Թուրքիայի նախագահը հայ-տարարել էր, որ Շվեդիան չպետք է աջակ-ցություն ակնկալի Անկարայից ՆԱՏՕ-ին անդամակցելու հարցում:

Թուրքիայի դժգոհությունն առաջաց-րել են տոնական օրերին Ստոկհոլմում տեղի ունեցած հակաթուրքական ցույցե-րը, որոնց ժամանակ այրվել է Ղուրանը: Շվեդիայի վարչապետը դատապարտել է այս ցույցը:

ԱՄՆ

ԿՐԿԻՆ ՀՐԱԶԳՈՒԹՅՈՒՆ, ԿՐԿԻՆ ՄԱՐԿԱՅԻՆ ԶՈՐԵՐ

ԱՄՆ-ի Կալիֆոռնիա նահանգի Մոն-թերեյ Փարկ քաղաքում տեղի ունեցած զանգվածային հրաձգության հետեւան-քով 10 մարդ է մահացել, եւս 10-ը` վի-րավորվել: 72-ամյա կասկածյալն ինք-նասպան է եղել:

Դեպքը տեղի է ունեցել շաբաթ գիշե-րը, երբ տղամարդը կրակ է բացել քա-ղաքի պարի ստուդիաներից մեկում, որ-տեղից ոչ հեռու Լուսնային մոր տար-վա տոնախմբություն էր տեղի ունենում: Հրաձգությունն իրականացրել է 72-ամ-յա Հուու Կան Տրանը` ներգաղթյալ Չի-նաստանից, ով ժամանակին հաճախում էր տվյալ պարի ստուդիա եւ մույնիսկ այնտեղ ծանոթացել էր իր նախկին կնոջ հետ:

ԱՄՆ նախագահ Ջո Բայդենը ցավակցու-թյուն է հայտնել զոհերի ընտանիքներին եւ համազգային սուգ է հայտարարել:

ԵՎՐԱՄԻՈՒԹՅՈՒՆ - ԻՐԱՆ
ՆԵՐՂՐՎՈՒՄ ԵՆ ՓՈԽԱՐԱՐԶ ՊԱՏՃԱՄԻՋՈՑՆԵՐ

Եվրամիության երկրների արտաքին գործերի նախարարությունների ղեկա-վարները, Բոյուսելում համաձայնեցրել են Իրանի դեմ պատժամիջոցների չոր-րորդ փաթեթը` թիրախավորելով բռնաճն-շումներ իրագործողներին: ԵՄ-ը խստո-րեն դատապարտում է խաղաղ ցուցա-րարների դեմ Իրանի իշխանությունների կողմից ուժի դաժան եւ անհամաչափ կի-րառումը:

Իր հերթին, Իրանի արտաքին գործե-րի նախարարությունում հայտարարել են, որ Իրանը համարժեք պատասխան կտա եւ շուտով կհայտարարի մոր պատժամի-ջոցների ցանկը` «Եվրամիությունում եւ Բրիտանիայում մարդու իրավունքները խախտողների եւ ահաբեկչություն քարո-զողների դեմ»:

ԵԿԵՂԵՑԱԿԱՆ

ՓՈԽՀԱՏՈՒՑՄԱՆ ԿԱՐԳՈՎ` 1 ՄԻԼԻՈՆ ԼԱՐԻ ՀԱՅ ԱՌԱՔԵԼԱԿԱՆ ԵԿԵՂԵՑՈՒ ՎԻՐԱՀԱՅՈՑ ԹԵՄԻՆ 2022-ԻՆ ՎԻՐԱՀԱՅՈՑ ԹԵՄԻՆ ՓՈԽՀԱՏՈՒՑՄԱՆ ԿԱՐԳՈՎ ՀԱՏԿԱՅՎԵԼ ԷՐ 800 ՀԱՉԱՐ ԼԱՐԻ

Համաձայն Վրաստանի կառավարության կողմից տրված հանձնարարության, Վրաստանի կրոնի հարցերով պետական գործակալությունը, խորհրդային բռնապետության օրոք, կրոնա-կան համայնքներին հասցված վնասների փոխհատուցման նպա-տակով, երկրում գործող կրոնական միավորումների հետ անց-կացված խորհրդատվությունների ու փաստացի հանգամանքնե-րի ուսումնասիրման հիման վրա, մշակեց Վրաստանի վարչապե-տին հասցեագրված հանձնարարական: «Վրաստանում 2023

թվականի պետական բյուջեի մասին» Վրաստանի օրենքով, երկ-րում գործող կրոնական միավորումների համար, խորհրդային բռնապետության օրոք հասցված վնասի մասնակի փոխհատուց-ման ապահովման նպատակով, հատկացվել է 5,5 միլիոն լարի:

2023 թվականին Հայ Առաքելական եկեղեցու Վիրահայոց թեմին, խորհրդային բռնապետության օրոք հասցված վնասի մասնակի փոխհատուցման համար, հատկացվող գումարը բարձրացել է 200 հազար լարիով եւ կազմել 1 միլիոն լարի:

ՌՈՒՄ - ՈՒԿՐԱԻՆԱԿԱՆ ՌԱԶՄԱԿԱՆ ՀԱՎԱՄԱՐՏՈՒԹՅՈՒՆ. 338-ՐԴ ՕՐ

ԵՐԱՆՏԱԳԻՏՈՒԹՅՈՒՆ` ՎՐԱՑԱԿԱՆ ԿՈՂՄԻՆ

Վրաստանի արտաքին գործերի նախարար Իլիա Դար-չիաշվիլին շնորհակալագրեր է ստացել Խարկովի քա-ղաքապետից եւ Լվովի շրջանի վարչակազմի ղեկավա-րից: Նրանք շնորհակալություն են հայտնում Վրաստա-նի կառավարությանը` Խարկով եւ Լվով քաղաքներին փոխանցած զենքատորների համար:

Նամակում նշվում է նաեւ, որ գեներատորները բաշխվել են Խարկովի քաղաքային խորհրդի կարեւ-որ ենթակառույցային ընկերություններին, որոնք ապահովում են քաղաքի գործունեությունը ամե-նադժվար պայմաններում` էլեկտրաէներգիա ապա-հովելով բժշկական հաստատություններին, պոմպա-կայաններին, ջրատարներին, ջրամատակարարման

օբյեկտներին եւ քաղաքի կաթսաներին:

ՈՒԿՐԱԻՆԱԿԱՆ ԶԻՆՈՒԺԸ ԹՈՂԵԼ Է ՍՈՒԵՂԱՐ ՔԱՂԱՔԸ

Ուկրաինական բանակի զորամասերը լքել են Սոլե-դար քաղաքը: Ինչպես հայտարարեց Ուկրաինայի զին-ված ուժերի ներկայացուցիչ Սերգեյ Չերեւատինը, ամիս-ներ տեւած դժվարին մարտերից հետո, ուկրաինական զինված ուժերը հեռացել են Սոլեդարից եւ քաղաքի մա-տույցներով նահանջել նախապես պատրաստված դիր-քեր: Ուկրաինայի զինված ուժերի արեւելյան խմբի խոս-նակ Սերգեյ Չերեւատինը չի նշում Սոլեդարից դուրս գա-լու ստույգ ժամկետը:

Ռուսաստանի պաշտպանության նախարարությունը

Սոլեդարը գրավելու մասին հայտարարել էր երկու շա-բաթ առաջ, հունվարի 12-ին:

ՀՐԹԻՈՒՅԻՆ ՀԱՐԶԱՎՈՒՄ ԿԻԵՎԻ ՎՐԱ

Ռուսաստանի հրթիռային հարձակումը Կիեւի վրա հանգեցրել է զոհերի:

Ուկրաինայի մայրաքաղաքի քաղաքապետ Վիտալի Կլիչկոյի խոսքով` Գոլոսեւսկի շրջանում հրթիռն ընկնե-լու հետեւանքով մեկ մարդ է զոհվել, երկու վիրավոր հոս-պիտալացվել է: Պայթյունների ծայներ են լսվել նաեւ Կի-եւի Դնեպրովսկի շրջանում:

Տեղում աշխատում են շտապօգնության ծառայու-թյուններ:

Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՀԱՆԴԻՊՈՒՄ

ԻՐԱԿԱՆԱՎԵԼԻՔ ԵՆԹԱԿԱՌՈՒՅՑԱՅԻՆ ԾՐԱԳՐԵՐԸ՝ ՎԱՐՉԱՊԵՏԻ ԵՎ ՆԱՀԱՆԳԱՊԵՏԵՐԻ ՔՆՆԱՐԿՄԱՆ ՕՐԱԿԱՐԳՈՒՄ

(Սկիզբը՝ 1-ին էջում)

Հանդիպմանը քննարկվեց «Նորագված տարածաշրջաններ» ծրագրի ընթացքը, նշվեց, որ երկրի ողջ տարածքում ավարտվել է ծրագրի առաջին փուլով նախատեսված աշխատանքների առաջին փուլով նախատեսված աշխատանքները:

ված աշխատանքների առաջին մասը, որի շրջանակներում հիմնովին վերանորոգվել է 564 շենք, կազմվորվել են ինժեներական ցանցեր, վերանորոգվել ու կառուցվել է 92 այգի ու հրապարակ: Ծրագրի շարունակվում է, եւ այս փուլում ծրագրի շրջանակներում արդեն իսկ ներդրվել է 400 մլն լարի:

Բացի այդ, հանդիպմանը քննարկվեց վարչապետի նախաձեռնությամբ մեկնարկած հանրային աշխատանքներում զբաղվածության խթանման ենթաօրագիրը: Նշենք, որ 2022 թվականի մարտի 1-ից մինչեւ 2023 թվականի հունվարի 23-ը, այս ծրագրի շրջանակներում, աշխատանքի է տեղավորվել ավելի քան 30 000 սոցիալապես անապահով անձ:

ՎՐԱՍՏԱՆ - ՌՈՒՍԱՍՏԱՆ



Ս.ԼԱՎՐՈՎԸ ՍԿՍԵԼ Է ԳՈՎԱԲԱՆԵԼ ՎՐԱՍՏԱՆԸ

Ռուս-ուկրաինական ռազմական դիմակայության զրեթե առաջին օրվանից լրատվամիջոցներն ու առանձին պաշտոնատար եւ հասարակական գործիչներ շարունակաբար բարձրացնում են Ռուսաստանի դեմ Արեւմուտքի սահմանած պատժամիջոցների վրաստանի չմիանալու թեման:

Սերգեյ Լավրովը ու հավելել, որ երբ փոքր երկրների կառավարությունները խիզախություն ունեն ասելու, որ առաջնորդվելու են սեփական տնտեսության շահերով, հիացմունքի է արժանի:

Նշենք, որ Ուկրաինայում Ռուսաստանի կողմից սանձազերծած ու առաջուր շարունակվող պատերազմից հետո, ուկրաինական կողմը բազմիցս մեղադրել է Վրաստանի իշխանություններին Ռուսաստանի դեմ պատժամիջոցները շրջանցելու հարցում:

Իր մամուլ ասուլիսում՝ Ռուսաստանի արտաքին գործերի նախարար Սերգեյ Լավրովը եւս անդրադարձավ այդ թեմային: Նա գովասանքի խոսքեր հղեց Վրաստանին եւ երկրի կառավարությանը՝ Արեւմուտքին:

մուտքին ընդդիմանալու համար: - Հակառուսական պատժամիջոցներին միանալու Արեւմուտքի ճնշման դեմ Վրաստանի դիմադրողականությունը, հարգանք է ներշնչում,- հայտարարել է

ՌՈՒՍԱՍՏԱՆԻ ԱԳ ՆԱԽԱՐԱՐԻ ՀԱՅՏԱՐԱՐՈՒԹՅԱՆ ԱՐՁԱԳԱՆՔՆԵՐ



Վրաստանի կառավարող «Վրացական երազանք» կուսակցության ներկայացուցիչները պարբերաբար կրկնում էին, որ Վրաստանը Ռուսաստանի դեմ պատժամիջոցներ չի կիրառի՝ տնտեսական իրավիճակից ելնելով: Մասնավորապես, «Վրացական երազանք» կուսակցության նախագահ Իրակլի Կոթախիձեն, մեկնաբանելով Լավրովի հայտարարությունը, ասաց, -Իրականությունն այն է, որ Վրաստանի կառավարությունը գործում է բացառապես Վրաստանի շահերը պաշտպանելու նկատառումով: Սա է գործելու մեր միակ առանցքը:

Որոշակիորեն տարբերվող դիրքորոշում ունի երկրի նախագահ Սալոմե Ջուրաբիշվիլին: Անդրադառնալով Լավրովի հայտարարությանը, նա նշեց, թե՛ «իրականությանը չի համապատասխանում այն, որ Վրաստանը չի միացել Ռուսաստանի դեմ սահմանված պատժամիջոցներին»: Ըստ նախագահի՝ իրականում թերիսին Մոսկվայի դեմ բազմաթիվ միջազգային պատժամիջոցների մասնակից է:



ՀՈՒՆՎԱՐԻ 27-ԻՆ՝ ՆԻՆՈՐԱ

Հունվարի 27-ին Վրաց Ուղղափառ եկեղեցին նշեց Սուրբ Նինոյի տոնը: Վրաց տաճարներում մատուցվեց տոնական պատարագ: Եկեղեցական ավանդույթի համաձայն՝ Սուրբ Նինոն Վրաստան է եկել 4-րդ դարում՝ Միրիան թագավորի օրոք, տարածելով քրիստոնեությունը Վրաստանում եւ նպաստելով քրիստոնեությունը՝ որպես պետական կրոն հռչակելու հետ: Վրաստանում Նինոթբան նշվում է երկու անգամ՝ հունիսի 1-ին եւ հունվարի 27-ին:

ԷԼԵԿՏՐԱԼԵՆԵՐԳԻԱՅԻ ՍՈՒԲՍԻԴԱՎՈՐՈՒՄ ՍՈՑԻԱԼԱԴԵՍ ԱՆԱՊԱՐՈՎ ԸՆՏԱՆԻՔՆԵՐԻՆ

Վրաստանի սոցիալապես անապահով ընտանիքների համար էլեկտրաէներգիան կսուբսիդավորվի: 70 հազար եւ դրանից պակաս միավոր ունեցող ընտանիքների սպառած էլեկտրաէներգիայի սակագինը կսուբսիդավորվի՝ 1 կվտ/ժ-ի համար մոտ 12 թեթրի: 70-150 հազար միավոր ունեցող ընտանիքների համար սակագինը կկազմի մոտ 3,5 թեթրի: Այս ուղղությամբ 2023 թվականի բյուջեով կհատկացվի 12 մլն լարի:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (27 հունվարի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6451
1 ԵՎՐՈ	2.8847
100 ՌՈՒՐԼԻ	3.8205
1000 ԴՐԱՄ	6.6936

ՏԱՐԱԾԱՆԵՐԶԱՆ

ԱՆԱԼՔԱԼԱՔԻ. ՀՍՏԱԿԵՑՎԵՑ ԳՅՈՒՂԵՐՈՒՄ ԱՆՑԿԱՑՎԵԼԻՔ ՀԱՆԴԻՊՈՒՄՆԵՐԻ ԺԱՄԱՆԱԿԱՑՈՒՅՑԸ

Հունվարի 26-ին, Ախալքալաքի մունիցիպալիտետի քաղաքապետ Մելքոն Մակարյանը՝ «Գյուղի աջակցության ծրագրի» հարցով աշխատանքային խորհրդակցություն անցկացրեց վարչական միավորների ղեկավարների ներկայացուցիչների հետ:

Հանդիպմանը քննարկվել են նշված ծրագրի շրջանակներում իրականացվելիք նախապատրաստական աշխատանքները:

Հանդիպմանը մասնակցեցին Ախալքալաքի փոխքաղաքապետեր Թեմուրազ Մճելիձեն, Սկրտիչ Սղոբայանն ու քաղաքապետարանի կառուցվածքային ստորաբաժանումների ղեկավարները:

Նշվեց, որ գյուղերում հանդիպումները



կմեկնարկեն հունվարի 30-ին եւ կտեւեն մինչեւ փետրվարի 14-ը: 2023 թվականին Ախալքալաքի մունիցիպալիտետին «Գյուղի աջակցության ծրագրով» հատկացվել է 922 հազար լարի:

ՆԻՆՈՇՄԻՆՂԱ. ՀԱՆԴԻՊՈՒՄՆԵՐ՝

«ԳՅՈՒՂԻ ԱՅԱԿՅՈՒԹՅԱՆ ԾՐԱԳՐԻ» ԵՐԶԱՆԱԿՆԵՐՈՒՄ

Հունվարի 25-ին, «Գյուղի աջակցության ծրագրի» շրջանակներում, տեղի ունեցավ հանդիպում Նինոծմինդայի մունիցիպալիտետի Գանձա եւ Սաղամո գյուղերի բնակչության հետ:

Հանդիպումներին մասնակցեցին Նինոծմինդայի մունիցիպալիտետի քաղաքապետ Անի Մոսոյանը, փոխքաղաքապետ, աշխատանքային խմբի ղեկավար Արմեն Բոդյանը, քաղաքապետարանի իրավաբանական ծառայության պետ Խորեն Ավետիսյանը, քաղաքապետարանի ենթակառուցվածքների ծառայության պետ Արմեն Բոդյանը, ավագանու նախագահի տեղակալներ Վաղինակ Արզումանյանը, Գիորգի Չափանյանը, նշված վարչական միավորներում քաղաքապետի ներկայացուցիչներ եւ այլոք:

Ինչպես Գանձա, այնպես էլ՝ Սաղամո գյուղում բնակչության ծայրերի մեծամասնությամբ որոշվեցին ընթացիկ տարվա առաջ-

նահերթությունները:

Նինոծմինդայի մունիցիպալիտետի «Գյուղի աջակցության ծրագրի» շրջանակներում, բնակչության հետ հանդիպումները կանցկացվեն մինչեւ փետրվարի 8-ը:

Ծրագիրն իրականացնելու համար, Նինոծմինդայի քաղաքապետարանին, Վրաստանի տարածաշրջաններում իրականացվելիք նախագծերի հիմնադրամից հատկացվել է 444 հազար լարի:



«ՄԻԱՍԻՆ ԾԱՆՈԹԱՆԱՔ ՎՐԱՍՏԱՆԻՆ» ՄԻՋՈՑԱՌՈՒՄԸ՝ ԾԱԼԿԱՅԻ 16 ՀԱՆՐԱՅԻՆ ԴՊՐՈՅՆԵՐԻ ՄԱՍՆԱԿՅՈՒԹՅԱՆՔ

Ծալկայի մունիցիպալիտետի Օզնի եւ Կոխտա գյուղերի հանրային դպրոցների կազմակերպմամբ, ուսուցիչների մասնագիտական զարգացման ազգային կենտրոնի «Ոչ վրացալեզու դպրոցների աջակցության» եւ «Սովորի՜ր Վրաստանի համար» ծրագրերի Ծալկայի հանրակրթական ռեսուրս-կենտրոնի եւ տեղական ինքնակառավարման աջակցությամբ, մունիցիպալիտետի 16 հանրային (4 հայալեզու, 12 վրացալեզու) դպրոցների մասնակցությամբ, անցկացվեց «Միասին ծանոթանանք Վրաստանին» միջոցառումը:

Վերոնշյալ նախագծի նպատակը՝ դպրոցների միջեւ համագործակցության խորացումն ու բարելավման կապերի հաստատումն է: Միջոցառմանը մասնակից դպրոցներից յուրաքանչյուրը ներկայացրեց Վրաստանի առանձին երկրամասի պատմությունը, խոհանոցը, ավանդույթները, ազգագրությունը: Միջոցառմանը մասնակից Ծալկայի մունիցիպալիտետի Օզնիի հանրային դպրոցը ներկայացրեց Թրիալեթի, Չիֆթբիլիսայի հանրային դպրոցը՝ Աբխազիայի, Ղաթխիլիսայի հանրային դպրոցը՝ Կախեթի, իսկ Դարաքովի հանրային դպրոցը՝ Երզնումից տեղահանված եւ Վրաստանում բնակություն հաստատած հայերի կենցաղը, ավանդույթներն ու պատմությունը:

Հեղինակավոր ժյուրիի կողմից միջոցառմանը գլխավոր մրցանակը շնորհվեց Աջարիայի երկրամասը ներկայացրած Կոխտայի հանրային դպրոցին: Միջոցառմանը մյուս մասնակից դպրոցներն էլ արժանացան պարգևների տարբեր անվանակարգերով: Նշենք, որ միջոցառման համար Օզնիի դպրոցականներին մեծ օգնություն ցուցաբերեցին ուսուցչուհիներ Ջամիրա Կոբիաշվիլին եւ Միրանդա Իակոբիձեն:

ՄԻՐԱՆՂԱ ԻԱԿՈԲԻՉԵ

Ծալկայի մունիցիպալիտետի Օզնիի հանրային դպրոց



ՄԱՌՆԵՈՒԼԻ. ԳՅՈՒՂԱԿԱՆ ԺՈՂՈՎՆԵՐՈՒՄ ԿԱԱՐՄԱՆՎԵՆ ԱՌԱՋՆԱՅԵՐԹՈՒԹՅՈՒՆՆԵՐ

Մառնեուլիի մունիցիպալիտետի քաղաքապետ Կենան Օմարովը, «Գյուղի աջակցության ծրագրի» շրջանակներում, աշխատանքային հանդիպում ունեցավ վարչական միավորների ներկայացուցիչների հետ:

Հանդիպմանը նշվեց, որ փետրվարի 1-ից Մառնեուլիի մունիցիպալիտետում կմեկնարկեն, «Գյուղի աջակցության ծրագրի» շրջանակներում, գյուղական ժողովներ-խորհրդակցությունները, հայտնում է Մառնեուլիի մունիցիպալիտետի կայք-էջը: Նշենք, որ «Գյուղի

աջակցության ծրագրով» 2023 թվականին կենտրոնական բյուջեից հատկացվել է 1 մլն 232 հազար լարի: Գումարը բաշխվել է գյուղերին՝ ըստ բնակչության թվի: Յուրաքանչյուր գյուղի համար նվազագույն գումարը 10 հազար լարի է, իսկ առավելագույնը՝ 20 հազար լարի:

ՊՐԵՄԻԵՐԱ

«ՏԻԿԻՆ ՍԻՐԱՆՈՒՅՇ». ՊԻԵՍ ՄԵՐ ՄԵԾՆ ՍԻՐԱՆՈՒՅՇԻ ՄԱՍԻՆ

Հունվարի 26-ին, Թբիլիսիի Ն.Դումբաձեի անվան պատանի հանդիսատեսի թատրոնում Թբիլիսիի Պ.Ադամյանի անվան պետական հայկական դրամատիկական թատրոնը հանդես եկավ իր հերթական առաջնախաղով, բայց՝ հանդիսատեսին անծանոթ ձեռագրով, քանի որ բեմադրիչ-ռեժիսորը ադամյանականում գրեթե 25 տարիների կենսագրություն ունեցող դերասանուհի Լյուբա Սահակյանն էր: Անցած տարի, Լյուբան ավարտեց Երեւանի թատրոնի եւ կինոյի պետական ինստիտուտի Վանաձորի մասնաճյուղի ռեժիսուրայի ֆակուլտետը: Որպես դիպլոմային աշխատանք նա բեմադրեց մասնաճյուղի ռեկտոր, ժամանակակից արձակագիր, դրամատուրգ Էլֆիթ Զոհրաբյանի «Տիկին Սիրանույշ» մոնոդրաման, որը հավանության արժանանալով, ընդգրկվեց հարազատ թատրոնի խաղացանկ:

«Տիկին Սիրանույշ» մոնոդրաման Լյուբայի ոչ միայն առաջին ռեժիսորական փորձն է, այլևս ընդհանրապես բեմադրվում է առաջին անգամ: Պիեսը հայ թատերական մշակույթի գագաթներից մեկի, սերունդներին իր բացառիկ «դերասանական դպրոցը» ժառանգած Սիրանույշի (Մերուպե Գանթարձյան, 1857-1932, Կոնստանդնուպոլիս) մասին է: Լեգենդար դերասանուհին խաղացել է շուրջ 300 դեր, շրջագայել աշխարհով մեկ, նշանավոր կերպարներով հանդես եկել աշխարհի հեղինակավոր բեմերում, թեև իր գլուխգործոց դերը՝ Շեքսպիրի Համլետը (1901թ.), մարմնավորել հենց Թբիլիսիի թատրոնում:

Սիրանույշի ամբողջ կյանքը հրաշալիորեն վավերագրված է պիեսում. թատրոն կոչվող ինքնամոռաց սիրո ֆենոմեն, չծերացող տաղանդին հակադրվող անցողիկ արվեստի դաժնություն, հաղթանակ՝ բեմում, պարտություն՝ կյանքում ու հավերժ ծառացող անպատասխան ինչուներ... Այս ամենն իր առավել քան ազդեցիկ խաղով կերտեց ներկայացման գլխավոր դերակատար Սնեժանա Յաղոբյանը (տարեց Սիրանույշ), ինչպես նաև բեմադրիչի մտահղացմամբ, տեսիլվող հիշողությունների մեջ մարմին ու խոսք առնող երիտասարդ Սիրանույշը՝ Վարդուհի Էլբակյանը (նկարիչ՝ Աննա Սոփրոմաձե, երաժշտություն՝ Կրիստինա Էլոյան, դիմահարդարում՝ Ռիմա Պողոսյան):

Այն, որ առաջնախաղը մեծ հաջողություն գրանցեց, փաստում էին ոչ միայն չղաղարող ծափահարություններն ու բացականչությունները, այլևս Հայաստանից ժամանած եւ դահլիճում ներկա՝ պիեսի հեղինակ Էլֆիթ Զոհ-

րաբյանը եւ Հայաստանի թատերական գործիչների միության նախագահ, Երեւանի Հ.Պարոնյանի անվան երաժշտական կոմեդիայի պետական թատրոնի գլխավոր ռեժիսոր Հակոբ Ղազանջյանը՝ «Վրաստան» թերթին տված իրենց մեկնաբանություններում:

ԷԼՖԻԹ ԶՈՀՐԱԲՅԱՆ - Թբիլիսիի պատմական թատրոնում, հայկական այս ամենանշանավոր թատրոններից մեկում ներկայանալու եւս մեկ պատիվ եմ ունեցել, երբ գեղարվեստական ղեկավար, մեր հարգարժան Արմեն Բայանդուրյանը բեմադրեց իմ «Ախ, այդ փուկը» հեքիաթը: Ինչ վերաբերում է «Տիկին Սիրանույշին», ապա դիտել էի ներկայացման միայն տեսանյութը, իբրեւ դիպլոմային աշխատանք: Իհարկե, այլ զգացողություններ վերապրեցի այսօր, որպես հանդիսատես: Սիգուցե իմ մեղ մասնագիտական նկատառումներն ունեն, բայց ընդհանուր առմամբ տեսա, թե որքան լավ ընդունեց հանդիսատեսը, ինչպես հուզվեցին ու տպավորվեցին իմ վրացի գրող ընկերները եւս: Բնականաբար, պետք է կանգ չառնել, առաջ նայել ու առաջ գնալ: Շնորհավորում եմ, բոլորիս:

ՀԱԿՈԲ ՂԱԶԱՆՋՅԱՆ - Անկեղծ ասած, շատ անսպասելի էր եւ բացարձակ դիպլոմային աշխատանքի տպավորություն չէր թողնում: Լուրջ գործ է արված՝ եւ ռեժիսորական առումով է բավական մանրակրկիտ պրոֆեսիոնալ աշխատանք տարված, եւ դերակատարների խա-



ղի, երկուսն էլ հրաշալի էին: Շատ լավ տպավորությամբ դուրս եկա դահլիճից, առավելեւս շատ ուրախ եմ, որ նման թեմայի է անդրադարձ կատարվում: Սիրանույշը հայ թատրոնի հզորագույներից էր եւ մանավանդ, որ կենսագրության բավական լուրջ հատվածը կապված էր հենց Թբիլիսիի հետ: Մի խոսքով, շատ ուրախ եմ, շնորհավորում եմ բոլորին:

Ներկայացման ավարտին, մոտեցանք Լյուբա Սահակյանին, մեզ հետ գրույցում շնորհակալ լինելով այս ճանապարհին իրեն սատարող ու աջակցող յուրաքանչյուրին, Լյուբան խոստովանեց, որ չի պատրաստվում թողնել դերասանական ուղին. «Մենք հավերժ աշակերտ ենք, յուրաքանչյուրն իր բնագավառում: Դերասանությունն իմ ակունքն է, որից որքան էլ դուրս գամ, ժայթքեմ նորովի, միեւնույն է հետ եմ դառնալու՝ նորից սովորելու ու նորից ժայթքելու համար...»:

ԳԱՅԱՆԵ ԲՈՍԱՆՅԱՆ
Լուսանկարը՝ ՆԱՆԱ ԽԱՉԱՏՈՒՐՅԱՆԻ

ՍՈՑԻԱԼԱԿԱՆ

ՄԻՆՉԵՎ ՄԱՐՏ ՀԱՅԻ ԳԻՆԸ ՉԻ ՓՈԽՎԻ, ԹԵՎ ՀԱՅ ԱՐՏԱԴՐՈՂՆԵՐԻ ՀԱՄԱՐ ԿՍԱՀՄԱՆՎԵՆ ՆՈՐ ԿԱՐԳԱՎՈՐՈՒՄՆԵՐ

Ցորենի եւ այլուր արտադրողների ասոցիացիայի գործադիր տնօրեն Լեւան Սիլագավալայի խոսքով, չնայած Ռուսաստանից հացահատիկի արտահանման գնի բարձրացմանը, Վրաստանում հացի գինը մինչեւ 2023 թվականի մարտ ամիս չի փոխվի:

Նրա խոսքով, 2022 թվականի վերջին, մաքսատուրքի իջեցման արդյունքում, երկրում ստեղծվել են ցորենի եւ այլուրի որոշակի պաշարներ՝ եթե հունվարի 11-ից հունվարի 17-ը Ռուսաստանից մեկ տոննա ցորենի արտահանման գինը սահմանվում է 65 դոլար՝ մեկ տոննայի դիմաց, ապա, ղեկտեմբերին մաքսային հարկը եղել է 40 դոլարի սահմաններում, ինչը վրացի ներկրողներին թույլ է տվել հացահատիկի պաշար հավաքել:

- Ռուսաստանում ցորենի շատ առատ բերք կա, ուստի, սա մի փոքր կոնտեքստից դուրս գնա՞նք էր եւ ավելի շատ կապված էր ռուբլու արժեզրկման հետ: Խոսքը արտահանման հարկի մասին է: Ինչ վերաբերում է Վրաստանին, ապա այս փուլում, պաշարների առումով, մենք կայունություն ունենք, քանի որ մեկ ամիս առաջ մաքսատուրքն իջեցվեց, եւ ըստ այդմ գործարանները պաշարներ ներկրեցին: Կարող եմ ասել, որ եւ այլուրի, եւ հացի գները կայուն են մնալու՝ մինչեւ մարտ ամիս: Եվս մեկ անգամ երաշխավորում եմ ձեզ, որ հացի գնի բարձրացում չի նախատեսվում,- ասաց Լեւան Սիլագավալան:

Անդրադառնալով նոր կարգավորումներին, Լեւան Սիլագավալան նշեց, որ ցորենի եւ այլուր արտադրողների ասոցիացիայի գործարանները բարձր տեխնոլոգիական են, պարզապես չունեն պաշտոնական վկայագիր, ուստի, ընթացիկ տարվա հուլիսի 1-ից «Հասպի» ստանդարտի ներդրումը պարտադիր կլինի նաեւ հաց արտադրողների համար:

«Հասպի» ստանդարտը կիրառվում է նաեւ հացի արտադրության մեջ, այն մեզ է ներկայացվելու հուլիսի 1-ից: Կարող եմ ասել, որ մեր ասոցիացիայի ջրաղացները բոլորը բարձր տեխնոլոգիական են: Կարելի է համարել, որ արդեն աշխատում են «HASP» ստանդարտով: Ուղղակի պաշտոնական վկայական չունեն: Ուստի, մեր ասոցիացիայի ջրաղացների համար խնդիր չէ, այդ թվում՝ «Հասպ» ստանդարտի պաշտոնականացումը,- նշեց Լեւան Սիլագավալան:



ԴԵՂԱՄԻՋՈՑՆԵՐԻ ՖԻՆԱՆՍԱՎՈՐՄԱՆ ԾՐԱԳԻՐԸ ԿՇԱՐՈՒՆԱԿՎԻ

Ինչպես հայտարարեց Թբիլիսիի քաղաքապետ Կախա Կալաձեն, սոցիալապես անապահով կենսաթոշակային տարիքի այն անձանց համար, որոնց վարկանիշային միավորը, ըստ սոցիալապես անապահով ընտանիքների տվյալների միասնական բազայի, չի գերազանցում 200 հազարը, այս տարի շարունակվում է դեղերի ֆինանսավորման ծրագիրը:



Քաղաքապետի խոսքով՝ նախորդ տարի ծրագրից օգտվել է 21 034 թոշակառու, ֆինանսավորվել է 8 842 176 լարիի դեղորայք:

- Ծրագիրը, որը մենք սկսել ենք անցյալ տարի, շարունակվում է այս տարի եւս եւ նախատեսում է սոցիալապես անապահով թոշակառուների համար անհրաժեշտ դեղերի ապահովումը: Այդ նպատակով ամեն տարի տրվում է 500 լարիի ոչ նյութական վաուչեր: 2022 թվականին այս ծրագրից օգտվել է ավելի քան 21 հազար մարդ,- ասել է Թբիլիսիի քաղաքապետը:

Կախա Կալաձեն կոչ է արել կենսաթոշակային տարիքի թոշակառուներին, ովքեր ունեն համապատասխան սոցիալական վարկանիշային միավորներ, օգտվել նշված ծրագրից:

- Ծրագրից օգտվելու համար շահառուն կամ նրա ներկայացուցիչը պետք է խորհրդակցի բժշկի հետ՝ որոշելու համար անհրաժեշտ դեղամիջոցները, եւ նրա կողմից էլեկտրոնային եղանակով տրված առողջական տեղեկանքի հիման վրա շահառուն կկարողանա դեղը ձեռք բերել ցանկացած դեղատանը: Իհարկե, նրանք տարվա ցանկացած ժամանակ կարող են օգտագործել այդ գումարը եւ ծախսել իրենց որոշումներով: Եվս մեկ անգամ կոչ եմ անում այն քաղաքացիներին, ովքեր համապատասխանում են վերը նշված չափանիշներին, օգտվել այս ծրագրից,- ընդգծել է Կախա Կալաձեն:

ԳՅՈՒՂՏԵԽՆԻԿԱՅԻ ՁԵՌՔԲԵՐՄԱՆ ՖԻՆԱՆՍԱՎՈՐՄԱՆ ՊԱՅՄԱՆՆԵՐԸ ՓՈԽՎԵԼ ԵՆ

Վրաստանի կառավարությունը փոխել է ֆերմերների համար գյուղտեխնիկայի ձեռքբերման ֆինանսավորման պայմանները:

Կառավարության նոր որոշմամբ, մեկ շահառուի համար, հացահատիկահավաք կոմբայն ձեռք բերելու համաֆինանսավորման մասնաբաժինը 30 տոկոսից դարձել է 40 տոկոս, իսկ գումարի սահմանաչափը՝ 150 000 լարիից 200 000 լարի:

Գյուղատնտեսական այլ տեխնիկայի դեպքում՝ 150 000 լարին չգերազանցող սարքավորումներ ձեռք բերելու դեպքում կֆինանսավորվի արժեքի 40 տոկոսը, նախկինում այս դեպքում ֆինանսավորման չափը 50 տոկոս էր:

Թեյի հավաքման սարքավորումների դեպքում ֆինանսավորումն անփոփոխ է եւ կազմում է 50 տոկոսից ոչ ավելի, առավելագույնը՝ 500 լարի:

2023 թվականի պետբյուջեի նախագծով տեխնիկայի համաֆինանսավորման ծրագրի համար նախատեսված է 7 մլն լարի: **Խորագիրը պատրաստեց ՅՈՒՐԻ ԽՈՐԵՆՅԱՆԸ**